



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

21 JUN 2023 (RABU)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

21 JUN 2023 (RABU)



Tiada aduan rasmi ikan naik harga

Penguat kuasa KPDN sentiasa pantau harga bagi memastikan mana-mana pihak tidak melakukan pencatutan

Oleh NURFARDLINA
IZZATI MOKTAR
KUALA LUMPUR



SALAHUDDIN



Laporan muka depan Sinar Ahad pada 18 Jun lalu.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub memaklumkan setakat ini tiada aduan rasmi dilaporkan kepada kementerian mengenai kenaikan harga ikan kegemaran rakyat Malaysia di beberapa negeri sehingga mencecah 40 peratus sejak selepas Aidilfitri lalu.

Menterinya, Datuk Seri Salahuddin Ayub berkata, bagaimanapun pegawai dan penguat kuasa Kementerian Perdagangan Dalam Negeri dan Kos Sara Hidup (KPDN) akan sentiasa memantau harga bagi memastikan mana-mana pihak tidak melakukan pencatutan selain tidak patuh kepada harga ditetapkan.

"Ada beberapa aduan (tidak rasmi) mengenai ikan rakyat yang diterima (media sosial). Kita dapati faktor berlakunya permintaan tinggi semasa cuaca di Pantai Timur dalam keadaan laut 'berangin' dan berlakunya cuaca tidak menentu.

"Jadi memang ada kenaikan beberapa harga ikan itu, namun kita dapati dalam masa dua tiga hari ini keadaan kembali stabil. Ada barangan seperti sayuran dan ikan ini memang bergantung pada keadaan cuaca.

"Keadaan *supply* (bekalan) kadang-kadang begitu tinggi tetapi faktor itu hanya sementara dan ia akan turun

dalam tempoh tertentu," katanya semasa sidang akhbar selepas Majlis Perasmian Pameran Hadiah Malaysia Edisi Ke-13 2023 di sini pada Selasa.

Sinar Harian pada Ahad melaporkan masalah kenaikan harga ikan kegemaran rakyat Malaysia di beberapa negeri sehingga mencecah 40 peratus sejak selepas Aidilfitri lalu mendapat perhatian KPDN.

Salahuddin berkata, pihak kementerian akan meneliti masalah berkenaan sebelum mengambil tindakan selanjutnya.

Situasi di setiap negeri bagaimanapun berbeza, misalnya kembung yang dijual di Kelantan naik sehingga RM15 berbanding RM12 sekilogram, sementara di Kuala Lumpur pula cecah RM24 sekilogram.

Kenaikan itu dikatakan disebabkan keadaan laut bergelora yang biasa berlaku setiap Jun hingga Oktober menyebabkan hasil tangkapan nelayan berkurangan, selain faktor cuaca panas global.

Mengulas mengenai isu bekalan ikan, Salahuddin berkata, pihaknya menyerahkan bidang kuasa tersebut kepada Kementerian Pertanian dan Keterjaminan Makanan (KPKM) bagi menangani masalah berkenaan.

"Bagaimanapun kita setiap hari memantau harga barang keperluan rakyat ini," ujar beliau.



KPDN menerima aduan tidak rasmi di media sosial berhubung kenaikan harga ikan rakyat dan menyifatkan ia sementara. — GAMBAR HIASAN

'Harga ikan rakyat naik 40 peratus, tiada aduan rasmi diterima'

KUALA LUMPUR – Kementerian Perdagangan dalam Negeri dan Kos Sara Hidup (KPDN) memaklumkan bahawa tiada aduan rasmi diterima pihaknya berhubung kenaikan harga ikan kegemaran rakyat yang mencecah sehingga 40 peratus.

Menterinya, Datuk Seri Salahuddin Ayub berkata, bagaimanapun pihaknya hanya menerima aduan tidak rasmi di laman media sosial.

"Ada beberapa aduan (tidak rasmi) mengenai ikan rakyat

diterima melalui (media sosial). Kita dapati faktor berlakunya permintaan tinggi semasa cuaca di Pantai Timur dalam keadaan laut 'berangin'.

"Jadi memang ada kenaikan beberapa harga ikan, namun kita dapati dalam masa dua tiga hari ini keadaan kembali stabil," katanya.

Beliau berkata demikian pada sidang akhbar Majlis Perasmian Pameran HADIAH Malaysia edisi ke-13 di Pusat Konvensyen Kuala Lumpur, di sini semalam.

Sehubungan itu, Salahuddin berkata, pihaknya akan mempergiatkan pemantauan bagi memastikan tiada pihak mengambil kesempatan dengan melakukan pencatutan.

Terdahulu, media melaporkan kenaikan harga ikan melibatkan kembung, selayang dan kerisi di beberapa negeri mendapat perhatian pihak KPDN.

Salahuddin berkata, perkara itu akan diteliti dan pihaknya sedang menunggu laporan sebelum membuat tindakan lanjut.



KEMENTERIAN PERDAGANGAN DALAM NEGERI
DAN KOS SARA HIDUP

MEDIA ONLINE (KPDN)

21 JUN 2023 (RABU)

BERITA ONLINE BERTARIKH 21 JUN 2023

TARIKH	TAJUK	PAUTAN	MEDIA
21-Jun	Tiada aduan rasmi diterima harga ikan naik - Salahuddin	https://www.google.com/amp/s/www.sinarharian.com.my/ampArticle/264394	SH
21-Jun	UMS, KPDN Sabah bincang kerjasama bantu perdagangan dan kos sara hidup	https://malaysiagazette.com/2023/06/20/ums-kpdn-sabah-bincang-kerjasama-bantu-perdagangan-dan-kos-sara-hidup	MALAYSIAGAZETTE
21-Jun	21 JUN 2023 - BERITA TGH MLM- KENAIKAN HARGA IKAN-KPDN MASIH BELUM TERIMA ADUAN RASMI	https://youtu.be/lxnLvtO38A	BERITARTM
21-Jun	KPDN akui harga ikan naik	https://www.google.com/amp/s/www.hmetro.com.my/amp/mutakhir/2023/06/979740/kpdn-akui-harga-ikan-naik	HM
21-Jun	'Memang harga ikan naik sebab permintaan tinggi, cuaca tak menentu'	https://www.google.com/amp/s/www.bharian.com.my/amp/berita/nasional/2023/06/1117000/memang-harga-ikan-naik-sebab-permintaan-tinggi-cuaca-tak-menentu	BH
21-Jun	KPDN pantau harga ikan di Pantai Timur	https://berita.rtm.gov.my/index.php/semasa/65806-kpdn-pantau-harga-ikan-di-pantai-timur	BERITARTM